

元始无量度人上品妙經卷之二十二

飛神召靈品

道言昔於始青天中九華瑩徹靈明扶宮受元始度人飛神召靈无量上品元始天尊當說是經周回十過以召十方始當詣座紫清仙界梵炁靈音三天道主玉宸聖君諸天上帝金闕高真无鞅數眾乘空而來飛雲丹霄綠輿瓊輪羽蓋垂蔭流精玉光五色鬱勃洞煥太空三日三夜諸天日月星宿璇璣玉衡一時停輪神風靜默山海藏雲和炁遶遶紫霧氤氲天無浮翳四氣朗清一國地土山川林木緬平一等無復高下土皆作碧玉無有異色眾真侍座元始天尊玄坐綠霄回旋泛光碧玉寶座

道藏輯要

度人妙經

六

角集五

之上說經一遍諸天上帝稽首言善法始出世人皆見妙理說經二遍三界萬天歸仰讚歎人獲長生說經三遍數出五行无有生滅說經四遍外境湛然内境明悟說經五遍生路可開死戶立閉說經六遍炁序和平四時混一說經七遍生死快樂无有窮已說經八遍悟解妙法得升仙境說經九遍鳥獸草木咸得盡數不被天傷說經十遍幽魂滯魄久沉地獄皆得解脫是時一國是男是女莫不傾心皆受護度咸得長生

道言是時元始天尊說經一遍東方明耀十天帝君從吏神兵无鞅之眾浮空而至說經二遍南方赤明十天帝君從吏神兵无鞅之眾浮空而至說經三遍西方素明十天帝君從吏神兵

无鞅之眾淨空而至說經四遍北方玄明十天帝君從吏神兵
无鞅之眾淨空而至說經五遍東北洞明十天帝君從吏神兵
无鞅之眾淨空而至說經六遍東南耀明十天帝君從吏神兵
无鞅之眾淨空而至說經七遍西南離明十天帝君從吏神兵
无鞅之眾淨空而至說經八遍西北靈明十天帝君從吏神兵
无鞅之眾淨空而至說經九遍上方通明萬天帝君從吏神兵
无鞅之眾淨空而至說經十遍下方普遍重壘山谷洞天主宰
神兵鬼官无量數眾升空而至十遍周竟十方无極天真大神
一時同至一國生靈虔心稽首來者有如海波洋溢地泉湧發
无鞅之眾迨國一半土皆偏陷非可禁止於是元始化光自眉
道藏輯要
度人妙經
九
角集五
問出騰耀萬方分身入於光中各有元始聖像然後光明復入
眉間聚成圓珠大若乾坤普照天地化形无體變象自然虛空
天界盡入圓珠中天人仰看惟見萬身元始萬天帝君勃勃從
珠口中入既入珠口不知所在國人廓散地還平正无復畝陷
元始卽於光明圓珠之上說經都竟眾真監度以授於我當此
之時喜慶難言法事粗悉諸天復位倏歟之間寂無遺響是時
天人遇值經法普受天恩咸得濟度全其本年无有天傷領土
歸仰咸行善心无盡无滅无敗无壞无損无去无離无散无死
无傷言无華綺口無惡聲齊同慈愛異骨成親國安民豐欣樂
太平經始出教一國以道預有至心宗奉禮敬皆得度世

道言元始天尊說經中所言並是三景上帝祕密隱奧之文亦是玉宸大帝化形召真之隱名也非世之常辭上聖已成真人飛神召靈通玄究微能悉其章誦之十過萬天恭禮三界聽法河海靜默山嶽藏雲日月停景璇璣不行陰陽翕和晝夜皆明羣魔束形鬼精滅爽回屍起死白骨成人至學之士誦之十過則五帝侍衛三界稽首鬼官束形魔精受法濟度垂死絕而得生所以初學道士血穢未除神不通爽身不清甯體未洞真以制十方威未制天政德可伏御地祇束縛魔靈但爲華文不究精微輕誦此章身則被殃禍連九祖供養尊禮門戶興隆世世昌熾得爲真仙萬災不干神明護門斯經會妙獨步玉京度人

道藏輯要

度人妙經

三

角集五

无量爲萬道之宗巍巍大範德難可勝

道言凡誦是經十過諸天齊到億曾萬祖支連屬籍皆卽受度上升朱宮格皆九年受化更生得爲真人而好學至經功滿德就皆得神仙飛升金闕遊宴玉京也上學之士修誦是經神完炁具飛升南宮中學之士受誦是經皆卽受度得爲神仙下學之士悟解此經卽得五行備足去來由已不沉鬼官若復投胎再受是經卽獲飛升遊行太空此經微妙普度無窮一切天人莫不受慶集无量之道生死蒙惠上天所寶不傳下世永祕玉府三萬六千年劫運當興盟天而傳輕泄漏慢殃及九祖禍災門閥長役靈官神兵將吏侍經五帝神司朱靈金童青腰玉女

各三十六人營衛神文保護受經者身

道言正月長齋誦詠是經飛神召靈魂飛九天與道合真七月
長齋誦詠是經神靈不昧出入杳冥洞達幽微永保長生十月
長齋誦詠是經內外明徹炁出復還神隨意往聚散變化皆得
運度性悟真空安鎮其方人稱太平八節之日誦詠是經得爲
南宮列仙本命之日誦詠是經超凌三界升入金門不經苦惱
身有光明三界侍衛五帝司迎萬神朝禮名書上天功滿德就
飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐九霄純陽

道藏輯要

度人妙經

三

角集五

五色梵氣之中內外蒼冥有青龍白虎朱雀玄武獅子白鶴
羅列左右日月光明照耀天地身化萬變遍歷十方如此分
明密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前

畢

引炁三十二過東向誦經

元始无量度人上品妙經

元始洞玄飛神召靈本章上品妙首萬變度人千化隱韻離合自然出空人无混洞赤文无无上真元始祖劫化生神靈開明萬類是爲道根上無復祖惟道爲身通天徹地分神化靈無文不光無文不明無文不立無文不成無文不度無文不生是謂大梵天中之天紫瓊浮臺碧霄梵京太極元尊大羅玉清混然六合移烝萬靈眇眇劫劫若亡若存洞華三境六宸巨庭藥館嬰房紫微神靈九華梵烝周遍十方中有南極長生之君中有飛神召靈之君中有變化自然大神中有通天徹地靈君中有化烝萬形之神遊行太空微妙尊神回骸起死无量度人今日

道藏輯要

度人妙經

三

角集五
X日

校錄諸天臨軒

東方无極飛神召靈長生大聖无量度人
南方无極飛神召靈長生大聖无量度人
西方无極飛神召靈長生大聖无量度人
北方无極飛神召靈長生大聖无量度人
東北无極飛神召靈長生大聖无量度人
東南无極飛神召靈長生大聖无量度人
西南无極飛神召靈長生大聖无量度人
西北无極飛神召靈長生大聖无量度人
上方无極飛神召靈長生大聖无量度人

下方无極飛神召靈長生大聖无量度人

十方至真飛神召靈長生度世无量大神並乘華蓋五色翠羽
雲輿龍首絳萼凝珠寶輦駕御靈鳳驂乘翠鸞建千真變化靈
節萬炁聚散神旛前嘯神虎泛響後隨蒼龍發揮辟邪天鹿雷
音大獸更唱迭和交映拱扶七曜啟扉千真擁轅億萬天仙浮
空而來恭迎法駕俯持信幣專心稽首虔仰靈音主宰上相南
陵火官掌經仙伯監籍大神執經把籍齊到帝前隨所應度嚴
校諸天普告三界无極神鄉昌明玉閣瓊室華堂太一靈府九
炁梵天上解祖考億劫種親罪籍幽玄落滅消釋不得拘留神
合道符元始告命時刻升遷校錄朱宮鑄鍊形魂靈魔保舉度
品南宮死魂受鍊仙化成人身受度劫劫長存隨劫輪轉與
天齊年永度三塗五苦八難超凌三界逍遙上清上清之天天
帝玉真玉宸之境梵行

道藏輯要

度人妙經

三

角集五
川上

東方八天

青麗始緣天

帝幸經綸夷

日景微度天

帝永須梵希

惠正麗變天

帝洞耀神凝

靈兆緣敬天

帝雷鬱延微

廣華成化天

帝汎光每支

上靈清慧天

帝委汝加非

羽舞晃曦天

帝大鞠零施

呼變穆粹天

帝弗支婁機

南方八天

陽離大盛天

帝昇欲立生

林宛極瓊天

帝容純影光

九變東文天

帝永重威光

甯丹正度天

帝莫緬那方

熙凝澤物天

帝忽咤雲昌

和明慶音天

帝伏淨昇康

大定施變天

帝臻齊何鄉

道藏輯要

度人妙經

三

角集五

好生長育天

帝溫慧令長

西方八天

皓景今芳天

帝既无漂生

平敷玉素天

帝擁靄行元

飄颻影梵天

帝龍斐角衣

鎮觀至幾天

帝壯敬玄機

正始華光天

帝妙睿升飛

永極威庭天

帝競盛呼黎

上浮碧蒙天

帝整謂緣威

霄零施政天

帝弗綱兮歸

北方八天

淵默玄化天

帝蒙暮攜混

慧宛成理天

帝行緣金衝

樂梵无欲天

帝肯持妙通

和同萬有天

帝遍育元烘

冲虛大漠天

帝遠上來升

元通法號天

帝秀繞雲京

文英動妙天

帝願施成并

上靈七耀天

帝慶貽宗眞

三十二天三十二帝王清祕訣上清隱奧九霄梵音自然妙理

道藏輯要

度人妙經

三五

角集五

萬天瓊文天中龍章玉符寶篆天中神機九天靈魔太清隱名
萬和千合變化飛神无量之寶深莫可量敷落神眞普度天人
今日欣慶受度歷關諸天請滅三惡斬絕地根飛度五尸名列
太玄魔王監舉無拘天門東斗發生西斗除殃北斗延算南斗
注昌中斗化形總監眾靈青帝飛神白帝聚魄赤帝流光黑帝
召靈黃帝內升萬神合明青天魔王恭符神音赤天魔王書罰
功非白天魔王斬馘不祥黑天魔王巨力施威黃天魔王持法
守眞五帝大魔萬神之宗飛行三界統領神兵麾幢持節遊遍
太空自號神威諸天稱功上天度人施化靈文至眞受命降法
召靈八威奠維萬炁開張錦額前驅青甲仗旛擲火萬里流鈴

八衝敢有干犯拒遏上真金鉞前戮巨戈後刑蕩除邪穢風火
無停千千截首萬萬翦形魔無干犯鬼無祆精三官校錄神司
考魂不得容隱金馬驛呈普告無窮萬神咸聽三界五帝列言
上清洞元通歷玉宸開劫兩儀鑿象混沌始分上無色界下無
色根道玄虛寂靈風自然天上天下無忘無想無本無源無體
無累混然六合照徹十方龍漢初劫傳法開生壬辰開度化育
羣元死尸閉塞胎根息滅氣靈通爽俱集神庭上衝太虛下徹
幽關白體俱一內外無傷神隨氣運變化無常一體萬身呼吸
非光神遊三界氣遍十方聚散爲一皆由我身中爲神王意乃
神主意與神合飛神召靈仙道可入平視高真太極混沌金函

道藏輯要

度人妙經

三

角集五

XLL

玉章洞達幽微坐通八景飛照億千性定神息回風紫烟道包
萬象法制千魔與道同合自然成眞眞中之眞長生大君王靈
公子飛化尊神遊空主宰內治形眞氣聚靈全保命生根永固
神靈出入上清八維之內三界之中通化萬神主握三宮應召
九源混合萬神十轉回仙靈氣生全仙道隱祕運應度人上開
天門飛神召靈超升玉闕浩劫無停普受開化身得列眞鍊形
太空永離凡緣上關九霄遍歷三台鍊屍黃庭飛升太清太清
之上有此仙門中有飛神召靈之章眞王靈篇辭參高眞

第一神霄玉府飛神之章

神靈變化

奧隱無窮

氣神相合

眞入仙門

神乃身主

氣乃神王

神氣俱妙

參御高眞

飛靈八極

召至萬神

惟道可偕

洞徹幽冥

回風扇景

天地育生

誦詠除殃

解悟成眞

眞中妙理

返本固根

太乙眞魔

上相元君

祕隱不顯

億劫長存

第二紫微玉府洞眞召靈之歌

神庭隱大羅

梵炁爲宗主

不動乃經常

動之卽解悟

祕於紫元都

昌運符流布

道藏輯要

度人妙經

三

角集五

華房鬱紫烟

靈臺釋長句

開闢萬有法

包括六虛成

大道寂無體

得道還爾身

根斷死尸滅

飛神入太清

超凌億劫塗

永離北鬼宮

過三界兮

道御長空

升無爲兮

混合仙眞

旣眞空兮

宿命開通

飛靈八維兮

億劫無終

妙理通眞兮

虛玄寥廓

究本還元兮

出入御靈風

第三景霄天尊洞神隱諱歌曰

玉宸洞微

大道隱存

至眞無體

以道爲身

運神召靈

包括乾坤

內實外虛

陽光陰精

浮黎玄寂

身入杳冥

變化自然

遊觀太空

太空之上

混合九成

五體生全

百神咸甯

出入影隨

隨影見真

真中之真

卽此真空

悟解成道

保之長存

爾不悟眞道

永沉北羅酆

轉輪生死根

六趣無仙門

此九霄之上玉靈之中神王歌音音諧玉律靈參金文誦之百遍超度南宮誦之千遍名列高眞萬遍道備飛昇玉清度越三

道藏輯要

度人妙經

天

角集五

界位登仙籍有聞神音魔王敬形敕制地祇侍衛送迎拔出地戶五苦八難七祖升遷永離北官魂度朱陵受鍊更生是謂无量普度無窮有祕上天文諸天所共崇泄慢墮地獄禍及七祖翁

道言此二章並是玉宸上帝及九霄神王隱祕之音皆是大梵之言非世上常辭言無韻麗曲無華宛故謂玄奧難可尋詳上天所寶祕於神霄玉府內禁瓊宮華堂經室依玄科三萬六千年劫運當傳若有至人明內寶質心依舊格告盟三天然後而付焉

道言夫天地運度亦有否終日月五星亦有虧盈至聖神人亦

有休否末學之夫亦有疾傷凡有此災同學皆當運神鍊氣受
化濟度十遍轉經以召神靈復獲更生无量之文普度無窮
道言夫末學道淺或仙品未充神氣未備飛召不能運應滅度
身經太陰臨過之時同學至人爲其行香誦經傳法開悟神靈
以度屍形如法魂神經上南宮隨其學功計日而得更生轉輪
不惑便得神仙

道言夫天地運終亦當修齋行香誦經星宿錯度日月失昏亦
當修齋行香誦經四時失度陰陽不調亦當修齋行香誦經國
主有災兵革四興亦當修齋行香誦經同學命過亦當修齋行
香誦經疫毒流行兆民死傷亦當修齋行香誦經夫齋戒誦經
功德甚重上消天災保鎮帝王下禳毒害以度兆民生死受賴
其福難勝故曰无量普度天人

道藏輯要

度人妙經

元

角集五
x 乙

道言凡有是經能爲天地帝主兆民行是功德飛神玉闕召靈
仙都有災之日發心修齋燒香誦經十過皆諸天記名萬神侍
衛右別至人克得爲聖君金闕之臣諸天記人功過毫分無失
天中魔王亦保舉爾身得道者乃當洞明至言也

諸天中飛神召靈隱語无量音

道君撰

元始靈書中篇

東方八天

垓北妙本

顯黎俱淨

奕扉空柯

華陸宛都

敬既推哲

景耀洞虛

慶夷林遠

育兆玄珠

珠成靄何

芬苾化舒

飛光箕翼

敷遍北樞

太一靈房

俯仰碧居

回犯神漢

運轉靈軀

南方八天

光動赤霞

蒼梧火兢

蹠景紅希

龍虎降升

施展除布

炯赫綠英

日俱雲遠

闡發齊并

郁馥離晃

定披錦星

氣動掬基

復邈洞清

道藏輯要

度人妙經

三

角集五

擲罔冥斯

殊轉運丁

下扶貽建

象宮鎮靈

西方八天

金光六支

虛于大黎

煥素耀景

空華洞希

惠余正蘊

泛歌晨施

注顯辨惡

歸氏合持

教筵宙落

方鑑影提

昂衛堅蒲

勝凝神衣

忽扶合策

品度倅暉

巨倆荒權

符車合離

北方八天

淵淨浮羅

弗離幽爽

据盧圓軒

玄漠訓敝

丹宛屈騎

挾展附長

退呼魔魂

統復施張

沉息華兜

泛曲會傷

普落大化

曜都定昌

平隨擗護

追幽反光

度功罔極

億化天仙

道言此玉晨天中大梵隱語无量之音皆玉文丹書龍章雲篆
祕於內闕華堂黃金寶函輝光百尋五色靈氣神章之中神霄
玉清真王扶桑青華帝君皆知其音以傳其文能齋而誦之者
諸天皆遣飛天神王下觀其身書其功勤上奏諸天萬神朝禮

道藏輯要

度人妙經

三

角集五

地祇侍門玉清消魔神王保舉上仙道備克得飛神三界召靈
千真此音無所不變無所不通無所不度無所不成天真自然
之音也故誦之致飛天下觀上帝遙唱諸天朝禮三界侍軒羣
妖束首萬靈擁佑和氣叶流瑞烟葳靄神靈湛寂琳瑯振響十
方肅清河海靜默山嶽吞烟萬靈振伏招集羣仙天無氛穢地
無祲塵冥慧洞清大量玄玄也